


**ORDENANZA FISCAL
TAXA POR COMUNICACIÓN
PREVIA E DECLARACIÓN
RESPONSABLE**



GUITIRIZ

Anuncio

APROBACION DEFINITIVA MODIFICACIÓN ORDENANZA FISCAL DA TAXA POR COMUNICACIÓN PREVIA E DECLARACIÓN RESPONSABLE DO CONCELLO DE GUITIRIZ. Expte 73/2021

Sendo aprobado inicialmente a modificación da “Ordenanza fiscal da taxa por Comunicación Previa e Declaración Responsable do Concello de Guitiriz” por acordo adoptado na sesión plenaria ordinaria de data 25/03/2021, e transcorrido o prazo de 30 de días de exposición pública sen presentarse alegacións contra este, elévase a definitiva a aprobación inicial e publícase integramente en cumprimento do preceptuado no art. 70.2 da Lei Reguladora das Bases do Réxime Local e no artigo 17 do Texto Refundido da Lei Reguladora das Facendas Locais, entrando en vigor dende a publicación no Boletín Oficial da Provincia.

Contra esta disposición administrativa de carácter xeral non caberá recurso en vía administrativa, de acordo co artigo 112.3 da Lei 39/2015, do procedemento administrativo común das administracións públicas, se ben se poderá impugnar directamente diante da xurisdición contencioso-administrativa.

De conformidade co establecido no artigo 46 en relación co 10.1.b), ambos os dous da Lei 29/1998, do 23 de xullo, reguladora da xurisdición contencioso-administrativa, contra o presente acordo de aprobación do regulamento, os interesados poderán interpor recurso contencioso-administrativo diante da Sala do Contencioso-Administrativo do Tribunal Superior de Xustiza de Galicia, no prazo de dous meses, contado a partir do día seguinte ao da publicación deste anuncio no Boletín Oficial da Provincia.

Poderán, así mesmo, interpor calquera outro recurso que estimen procedente ou conveniente.

O texto íntegro da modificación da ordenanza aprobado con carácter definitivo é o seguinte:

“ARTIGO 6.- TARIFA

6.1 Apertura de naves, locais ou establecementos físicos con uso característico terciario e outras actividades análogas, por cada m2 de superficie construída, e sen que poida resultar unha cota inferior a 50,00 €.
.....0,80 €/m2

6.2 Apertura de naves, locais ou establecementos físicos con uso característico industrial e artesanal, e outras actividades análogas, por cada m2 de superficie construída, e sen que poida resultar unha cota inferior a 50,00 €.
.....0,50 €/m2

6.3 Apertura de naves, locais ou establecementos físicos con uso característico de equipamentos, e outras actividades análogas, por cada m2 de superficie construída, e sen que poida resultar unha cota inferior a 50,00 €.
.....0,50 €/m2

6.4 Apertura de naves, locais ou establecementos físicos con uso característico agropecuario ou forestal, e outras actividades análogas, por cada m2 de superficie construída, e sen que poida resultar unha cota inferior a 50,00 €.
.....0,25 €/m2

Non se computarán aos efectos da superficie construída, a de silos, fosas, soleiras, plataformas, esterqueiras e outras construcións e instalación auxiliares análogas, necesarias para o desenvolvemento da actividade por cumprimento de medidas ambientais, de salubridade e/ou de xestión de residuos.”

Guitiriz, 25 de maio de 2021.- A ALCALDESA, María Sol Morandeira Morandeira.


R. 1546

Anuncio

APROBACION DEFINITIVA MODIFICACION ORDENANZA FISCAL DA TAXA POLA OCUPACIÓN DE TERREOS DE USO PÚBLICO CON MESAS, CADEIRAS, TRIBUNAS, TABLADOS E OUTROS ELEMENTOS ANÁLOGOS CON FINALIDADE LUCRATIVA DO CONCELLO DE GUITIRIZ. Expte. 248/2021

Sendo aprobado inicialmente a modificación da “Ordenanza fiscal nº 16 reguladora da taxa pola ocupación de terreos de uso público con mesas, cadeiras, tribunais, tablados e outros elementos análogos con finalidade lucrativa do Concello de Guitiriz” por acordo adoptado na sesión plenaria ordinaria de data 25/03/2021, e transcorrido o prazo de 30 de días de exposición pública sen presentarse alegacións contra este, elévase a definitiva a aprobación inicial e publícase integramente en cumprimento do preceptuado no art. 70.2 da Lei Reguladora das Bases do Réxime Local e no artigo 17 do Texto Refundido da Lei Reguladora das Facendas Locais, entrando en vigor dende a publicación no Boletín Oficial da Provincia.

Contra esta disposición administrativa de carácter xeral non caberá recurso en vía administrativa, de acordo co artigo 112.3 da Lei 39/2015, do procedemento administrativo común das administracións públicas, se ben se poderá impugnar directamente diante da xurisdición contencioso-administrativa.



Anuncio

O Pleno do Concello, en sesión celebrada o día 24 de novembro de 2011, aprobou inicialmente a ordenanza fiscal reguladora da taxa por comunicación previa e declaración responsable. Exposto ao público mediante anuncio no Boletín Oficial da Provincia de Lugo do 14/12/2011, non se produciron alegacións contra esta ordenanza fiscal, entendéndose aprobada definitivamente.

De acordo co disposto nos apartados 3 e 4 do artigo 17 do Texto Refundido da Lei Reguladora das Facendas Locais, publícase o texto íntegro da ordenanza fiscal reguladora da taxa por comunicación previa e declaración responsable que entrará en vigor o mesmo día da súa publicación no BOP.

ORDENANZA FISCAL REGULADORA DÁ TAXA POR COMUNICACIÓN PREVIA E DECLARACIÓN RESPONSABLE

ARTIGO 1. FUNDAMENTO E NATUREZA

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases de Réxime Local e de conformidade co disposto nos artigos 15º ao 19º do R.D. legislativo 2/2004, de 5 de marzo, polo que se aproba o texto refundido da Lei reguladora das facendas locais, este Concello establece a exacción da taxa por comunicación previa e declaración responsable, que se rexerá pola presente Ordenanza Fiscal, da que as normas atenden ao previsto nos artigos 20 a 27 do devandito R.D. legislativo.

ARTIGO 2. FEITO IMPOÑIBLE

O feito impoñible da taxa constitúe a actividade administrativa municipal, técnica e administrativa de control e comprobación a efectos de verificar o cumprimento da normativa urbanística, o planeamento urbanístico e as ordenanzas municipais aplicables á apertura de establecementos físicos de prestación de servizos, de conformidade coas facultades de intervención administrativa conferidas polo art. 84 da Lei 7/1985, de 2 de abril, reguladora das Bases do réxime local e art. 22.1 do RSCL, na súa redacción polo RD 2009/2009, de 23 de decembro.

Devandita actividade municipal pode orixinarse como consecuencia da Comunicación Previa ou Declaración Responsable do suxeito pasivo ou ben como consecuencia da actuación inspectora nos casos en que se constate a existencia de actividades non suxeitas a autorización ou control previo que non se atopen plenamente amparadas pola oportuna Comunicación Previa ou Declaración responsable.

ARTIGO 3. DEVENGO E OBRIGACIÓN DE CONTRIBUÍR

1. A taxa devénganse e nace a obrigación de contribuir cando se inicie a actividade municipal que constitúe o feito impoñible. A estes efectos, entenderase iniciada devandita actividade:

- Nas aperturas sometidas a Comunicación Previa e Declaración Responsable e Control Posterior, na data de presentación do escrito de Comunicación e Declaración Responsable previas ao comezo da actividade, de acordo co establecido na ordenanza municipal reguladora.
- Nos supostos en que sexa exsible a presentación de comunicación previa ou declaración responsable, que a apertura teña lugar sen a presentación da Comunicación Previa e Declaración Responsable e nos supostos que a actividade desenvolvida non estea plenamente amparada, a taxa devengarase cando se inicie efectivamente a actividade municipal conducente a determinar se o establecemento reúne ou non as condicións legalmente esixibles.

2. A obrigación de contribuir xorde independente para cada un dos locais onde se realice a actividade suxeita ao procedemento de comunicación previa ou declaración responsable (fábricas, talleres, oficinas, tendas, almacéns e dependencias de calquera clase).

ARTIGO 4. SUXEITO PASIVO

Son suxeitos pasivos da taxa, en concepto de contribuintes, as persoas físicas e xurídicas e as Entidades a que se refire o art. 35.4 da Lei Xeral Tributaria e art. 23 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, titulares ou responsables da actividade que se pretende desenvolver e que deba ser obxecto de comunicación previa ou declaración responsable.

ARTIGO 5. EXENCIÓNS

Exceptúanse do pago da taxa os traslados ou aperturas provocadas por declaración de ruínas, ruínas inminentes, expropiacións, afundimentos, incendios, desafuzamentos ou sentenza xudicial, cuxas causas non sexan imputables ao titular da actividade e sempre que se trate do traslado ou reapertura da mesma actividade previamente amparada en licenza de apertura, declaración responsable ou comunicación previa, sen prexuízo das licenzas urbanísticas, de apertura, comunicación previa ou declaración responsable que correspondan.

ARTIGO 6. TARIFA

A tarifa a aplicar será a seguinte:

A apertura de establecementos físicos de prestación de servizos, por cada m2 de superficie construída, e sen que poida resultar unha cota inferior a 50,00€	0,80 €/m2
---	-----------

ARTIGO 7. LIQUIDACIÓN

1. A taxa esixirase en réxime de autoliquidación cando se presente o escrito de Comunicación Previa e Declaración Responsable do inicio da actividade.
Os interesados haberán de detallar, xunto coa Declaración Responsable, os datos acreditativos do pago da taxa.

2. Nos supostos diferentes da anterior, a taxa será liquidada polo Concello que a notificará ao suxeito pasivo, debendo ser abonada, en período voluntario, nos seguintes prazos:

- Liquidacións notificadas entre os días un e 15 de cada mes, desde a data de notificación ata o día 20 do mes posterior ou, se este non fose hábil, ata o inmediato hábil seguinte.
- Liquidacións notificadas entre os días 16 e último de cada mes, desde a data de notificación ata o día cinco do segundo mes posterior ou, se este non fose hábil, ata o inmediato hábil seguinte.

A autoliquidación será obxecto de comprobación polos Servizos Técnicos da Delegación de Urbanismo, emitíndose unha liquidación complementaria no caso de que fose necesario.

ARTIGO 8. DEVOLUCIÓN

1. Unha vez nacida a obriga de contribuír, esta non se verá afectada de ningún xeito pola renuncia ou desestimento do suxeito pasivo despois de que se realizaran as oportunas comprobacións.
Se o desestimento se formula antes de que o concello inicie as actuacións de comprobación, devolverase integramente ao contribuínte o importe da taxa. En caso contrario, non se devolverá ningún importe.

ARTIGO 9. INFRACCIÓNS E SANCIÓN S TRIBUTARIAS

En todo o relativo á cualificación das infraccións tributarias, así como á determinación das sancións que polas mesmas correspondan en cada caso, aplicarase o réxime regulado na Lei Xeral Tributaria e nas demais disposicións que a desenvolven.

DISPOSICIÓN FINAL

A presente ordenanza, entrará en vigor o mesmo día da súa publicación no BOP, permanecendo en vigor mentres non se acorde expresamente a súa modificación ou derogación.

Guitiriz a 24 de xaneiro de 2012.- O Alcalde, Xosé María Teixido Núñez

R. 0437

MONDOÑEDO

Anuncio

Aprobación inicial modificación Ordenanzas Fiscais

O Pleno deste Concello, en sesión ordinaria celebrada o día 26 de xaneiro do 2012, acordou, aprobar inicialmente Ordenanza Fiscal nº 35, reguladora da Taxa polos servizos da Biblioteca Municipal, Ordenanza Fiscal nº 36, reguladora da Taxa pola prestación de servizos nas instalación deportivas municipais, Ordenanza Fiscal nº37, reguladora da taxa polo servizo de celebración de vodas civís, modificación da Ordenanza fiscal nº 3, reguladora do Imposto sobre Construccións, Instalacións e Obras, modificación da Ordenanza nº 5, Reguladora da taxa por expedición de documentos públicos, modificación da Ordenanza Fiscal nº 13, reguladora da taxa por ocupación de terreos de uso público con mercadorías , materiais de construción, entullo, viaias, puntais, asnillas, estadais e outras instalación análogas e modificación da Ordenanza Fiscal nº 14, reguladora da taxa por ocupación de terreos de uso público municipal con mesas , cadeiras, tribunas, taboados e outros elementos análogos con finalidade lucrativa.

De conformid ad eco disposto nos artigos 17.1. e 2 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004 de 5 de marzo, e 49 da Lei 7/85 de 2 de abril, reguladora das Bases de Réxime Local, dito acordo expónse ao público durante o prazo de trinta días , dentro dos cales os interesados poderán examinar o expediente e presentar as reclamacións que estimen oportunas. Finalizado o período de exposición pública, sen que se presentaran reclamacións, entenderase definitivamente adoptado o acordo, ata entón provisional, sen necesidade de novo acordo plenario.

Mondoñedo, a 27 de xaneiro do 2012.- O Alcalde, M. Orlando González Cruz

R. 0426